

UTICAJ PANDEMIJE COVID-19 NA LOKALNOM NIVOU U BOSNI I HERCEGOVINI

DIREKTNE MJERE LOKALNIH VLADA USMJERENE NA COVID-19



Većina lokalnih vlada u BiH smatra da lokalne direktne mjere/intervencije u vezi sa COVID-19 **nisu uzele u obzir potrebe žena**. Oporavak od krize izazvane pandemijom COVID-19 mora imati rodno osnaživanje u svojoj srži.





Skoro sve lokalne vlade u BiH smatraju da su ograničeno kretanje i karantenske mjere **tokom pandemije COVID-19 nesrazmjerno utjecali na žene**, jer postojeće rodne nejednakosti povećavaju razlike između žena, muškaraca, djevojčica i dječaka.




70% lokalnih vlada u BiH primjetilo je povećanu ranjivost žena kada su u pitanju socijalno blagostanje, psihosocijalna stabilnost i slučajevi rodno zasnovanog nasilja.



Utjecaj pandemije COVID-19 na žene u BiH, posebno na žene koje se suočavaju sa različitim oblicima diskriminacije kada su u pitanju siromaštvo, invaliditet, ekomska ovisnost, **se sve više dokumentira**.

OBAVEZE VEZANE ZA BRIGU O BLIŽNJIMA



Izgledno je da će povećanu odgovornost u oblasti brige o bližnjima tokom krize izazvane pandemijom COVID-19 preuzeti žene. Više od 95% ispitanika/ca izjavilo je da su se obaveze poput kuhanja i služenja obroka, čišćenja, popravljanja i održavanja kućanstva, kupovine za porodicu, brige o starijima i o djeci (učenje, igranje) značajno povećale za žene u odnosu na muškarce u BiH.



U više od 50 općina, pandemija COVID-19 povećala je obaveze djevojaka i mlađih žena kada je u pitanju briga za starije i bolesne članove/ice porodice, kao i za braću i sestre koji/e ne idu u školu. Dok sve više ljudi radi od kuće, radi manje ili su nezaposleni, muškarci bi mogli preuzeti više obaveza u oblasti brige o porodici i kućnog rada, što bi utjecalo na rodnu podjelu rada i društvenih normi.



NASILJE U PORODICI



Povećano vrijeme provedeno kod kuće zbog mjera distance i izolacije izložilo je brojne osobe riziku od nasilja. Većina lokalnih vlada u BiH izrazile su **zabrinutost da se nasilje u porodici, kao i ekonomsko i emotivno zlostavljanje, značajno povećalo tokom pandemije COVID-19**.



Više od 80 lokalnih vlada i gradova u BiH prijavilo je da će žene koje su preživjele nasilje u porodici, majke djece ispod 10 godina i samohrane majke biti izloženije negativnim efektima pandemije od muškaraca.

60% lokalnih vlada u BiH nema podatke o nasilju u porodici tokom pandemije COVID-19.

Većina lokalnih vlada u BiH primjećuje da su redovna komunikacija među relevantnim akterima i više osoba na terenu koje mogu pružiti brzi odgovor dva ključna elementa koja mogu poboljšati efikasan odgovor na nasilje u porodici tokom pandemije COVID-19.

ZNAČAJ PODATAKA RAZVRSTANIH PO SPOLU

DRUŠTVENO-EKONOMSKI UTJECAJ

RJEŠENJA




75 lokalnih vlada u BiH smatra da su podaci razvrstani po spolu neophodni kako bi se u potpunosti razumjelo kako je pandemija COVID-19 utjecala na žene i muškarce.

DRUŠTVENO-EKONOMSKI UTJECAJ



Smatra se da je pandemija COVID-19 imala negativniji društveno-ekonomski utjecaj na žene. 90 % lokalnih vlada u BiH smatra da će ekonomski posljedice imati najveći utjecaj na samozaposlene i žene vlasnice srednjih preduzeća u privatnom sektoru.



Svi/e intervjuirani/e predstavnici/e lokalnih vlada u BiH smatraju da bi bezuvjetna finansijska podrška ženama unaprijedila njihovu finansijsku situaciju i poboljšala situaciju u domaćinstvu, te njihovo psihosocijalno stanje.